

欽定四庫全書

子部
博濟方卷一



南京中医药大学图书馆版权所有

欽定四庫全書

子部五

提要

博濟方五卷

醫家類

臣等謹案博濟方五卷宋王衮撰衮太原人其仕履未詳惟郎簡原序稱其嘗為錢塘酒官而已此書諸家書目皆著於錄惟宋史藝文志陳振孫書錄解題俱作三卷晁公武讀書志作五卷稍有不同蓋三五字形相近傳

寫者有一訛也公武又稱衮於慶厯間因官
滑臺暇日出家藏七十餘方擇其善者為此
書名醫云其方用之無不效如草還丹治大
風太乙丹治鬼胎尤奇驗今案衮自序有云
鄴侍家君之任滑臺道次得疾遇醫之庸者
妄投湯劑疾竟不瘳据此則官滑臺者乃衮
之父而公武即以為衮殊為失考衮又言博
採禁方逾二十載所得方論凡七千餘道因

於中擇其尤精要者得五百餘首而公武乃云家藏七十餘方則又傳寫之誤也原書久無傳本惟永樂大典內載有其文裒輯編次共得三百五十餘方視衮序所稱五百首者尚存十之七謹分立三十五類依次排比從讀書志之目釐為五卷其中方藥多他書所未備今雖不盡可施用而當時實著有奇效足為醫家觸類旁通之助惟頗好奇異往往

雜以方術家言如論服杏仁則云彭祖夏姬
商山四皓煉杏仁為丹王子晉服四十年而
騰空丁令威服二十年而身飛此類殊誕妄
不足信今故取服食諸法編附卷末以著其
謬俾讀者知所持擇焉乾隆四十六年九月
恭校上

總纂官臣紀昀臣陸錫熊臣孫士毅

總校官臣陸費墀

原序

大鈞播物融結而為萬類其最靈最貴者惟人人之所稟賢不肖雖異然莫不自重其性命所不免者疾苦也古之君子居位行道曷嘗不以周人之急除民之瘼為心哉人而無食乎可賑而飽之也人而無衣乎可溫而解之也至於一脉內潰五莖生釁惛惛瞽亂號呼楚毒警歎間有不可生之意當是時非妙診靈劑可以起廢保命則雖有金玉叔其室骨肉環其前割慈忍愛痛心

疾首又何珠球哉予厯官不啻數十載或邁奇傑或韜
巾衍所得方錄較然神異者用以濟人至今未嘗少懈
居常患不能家至戶曉使天下之人皆獲其利以是汲
汲然有不足者今春錢塘酒官王君惠然見過出方書
三編示予且曰衮平素善醫診所撫精要方若干首不
敢自愛欲刊募以周施四方冀人人得遂其生予樂聽
所云頓起夙昔之願稱歎者久之雅聞其人好奇博涉
之士也因自錄素所奇異方有驗於人者得三十餘通

請附於類例之內以助成一家噫救災恤患陽秋之大
誼也博施濟衆仁者之首善也惟冀一圓一劑有瘳有
喜使幅員之衆無札瘥無疢癘胥考終命是所願也予
既嘉其秉心贊厥美事痛舉崖略庸紀於末郎簡
序

自序

天地之間運行而生成者非五行乎人稟五行之秀而生故具之於形稟之於氣也其在天則四時六氣運乎外一失其道則為灾為沴焉其在人則五味七情攻乎內一失其理則為疾為沴焉時候乖有德者和之疾沴生善醫者治之蓋醫之興其來浸久軒后著之於書周禮明列其職皆所以重人命也然人之疾狀多端醫道又不可一塗取也方書藥錄其數實繁故自姬漢而下

沿及於今雖鉅言博識編聯周施者甚衆然不能盛行於世何也亦非採擇之精治療無準蓋明其術者即深祕其隱要昧於道者乃不詳其證候迨乎臨用有悞十全衮鄉侍家君之任滑臺道次得疾遇醫之庸者不究其脉理妄投湯藥而疾竟不瘳復又母氏多病積有年所衮遂因公暇潛心醫術博採禁方逾二十載矣所得方論凡七千餘道皆傳之於家牒得之於親舊故非耳剗口授率經效用因於其中擇其尤精要者理療可憑

方書必驗得五百餘首仍於逐篇之前或言其疾狀或紀其脉息或序其形證或論其得病之由庶使昧於醫者可審度而修制之工於醫者可消息而變用之噫今之人若得一妙方獲一奇術乃緘而祕之惕惕然惟恐人之知也是欲獨善其身而非仁人泛愛之心也哀嘗念人之有疾苦若己父母有之汲汲然欲其痊也故竭精研慮編次成集傳諸好事斯亦博濟之一端也故目之曰王氏博濟方王袞序

博濟方卷

修寒

寒氣散

內傷寒

寒氣嘔吐煩熱頭疼身

痰及氣虛

博濟方

聖藥

宋 王袞 編

乾薑 炮杏仁 去皮

蠶薑 一分聖濟總錄作高良薑

薑五片棗二枚水一

盞煎至七分熱服再以稀粥助之汗出差

金沸草散

治傷寒壯熱風氣壅盛頭目心胸不利婦

人血風朝發丈夫風氣上攻狀如中脘有痰令人壯

熱頭疼項筋緊急時發寒熱皆類傷風有寒氣則出

汗如風盛則解利

荊芥穗

四兩

旋覆花

三兩

前胡

三兩

麻黃

去節三兩

甘草

炙一兩

半夏

一兩洗淨薑汁畧浸

赤芍藥

一兩

右七味同為末每服二錢水一盞入生薑棗同煎

至六分熱服如汗出併三服陳自明管見良方但
頭不疼項不强為異耳

石膏散 治傷寒頭疼不可忍者

石膏

一兩

麻黃

一兩去根節

何首烏

半兩

乾葛

三分

右為末每服二錢薑一片水一盞同煎至八分溫
服

太一散 治傷寒頭痛

大附子

一兩炮去皮臍

甘草

半兩生

石葦

半兩去毛

石膏

二兩

滑石 二兩

右五味同為細末每服二錢葱白薄荷茶調

人參訶子散 治傷寒氣不順食嘔胸膈不利有時泄

瀉

人參

乾葛

厚朴

去皮

地黃

各二分

丁香

一分

訶子

七枚

豆蔻

一箇
去皮

右七味同為末水一盞末二錢入生薑棗同煎熟

服